

徐州府志

乾隆壬戌春鑄

虞山王良齋
桐川石虹邨
纂輯

徐州府志

府學藏版

新修徐州志序

嘉禾石公守徐之四年人和政浹百廢具修喟然予前之治徐州也今之治徐府也疆境既增官制亦烏可以無志以余讀禮家居不遠千里請任是事兼雲龍書院余方遜謝不敏而書幣在門又念曩者承乏一統志館十有四年嘗獨肩入省暨諸邊外今公屬以一郡志必堅却之非情也遂於暮春抵徐彙諸舊志斟酌損益晝夜排纂凡五閱月而橐成撤其大旨以序之日州郡之有志也自宋范致能吳郡志而後駸駸漸盛有明至今凡天下府州縣莫不有志余在館中所見各

徐州府志

序

一

處府志不下數百本然而無一可觀者其故在於無筆無書無識以村學究腐爛時文之手使之操紀述之事支離拙俗開卷令人憎厭是謂無筆目不覩唐宋以前諸家地志沿譌襲謬稱引不出傳聞事蹟類多傳會是謂無書間有手筆稍可而平昔不明地理體裁終苦鮮當宜詳反略當輕反重是謂無識以此三無而修志如盲人之索塗如寐者之嚙語其於古今地理人事疵病尚勝言哉昔昆山徐司寇奉

詔修一統志備四庫藏書廣徵海內博學洽聞之士而無錫顧景范常熟黃子鴻太原閻百詩德清胡朏明四先

生者尤精於志山經水注之書爲司寇所尊信故其書博大精確洗向來諸志之陋近雖重修無能出其範圍余幸得餘年廁身館局稍窺見前人之卓識苦心今於是書建置山川古蹟諸類亦彷彿其意以爲之所慮討論無人書籍無多向所云三者或自蹈之而不知也若夫茲郡之山河形勢古來控守之大要與我國家太平一統升州爲府之善制公之序與志中已詳余不復贅

王峻序
乾隆五年歲次庚申八月旣望江西道監察御史虞山

序

昔冉子之言志曰求也爲之比及三年可使足民如禮樂以俟君子夫冉子爲聖門高弟豈誠禮樂有所未嫻哉良以政有後先務有緩急禮義生於富足而文物盛於康阜先其所急以立其基而其所後者可徐起而日有功治道固宜然也郡國有志亦記載之常不足以云禮樂然而察星野別山川崇典禮列官師稽賦則辨物產凡政治之得失人才之盛衰風俗之美惡與夫軼事舊聞雄辭駿采莫不釐然畢具俾後之人知所遵循而生其感發是亦禮樂之遺意焉耳余守徐五年於茲矣無年不水無歲不灾荷蒙

皇上軫恤民艱不惜帑金廩粟蠲租給賑之令殆無虛日所費幾及百萬民之賴以存活者不可勝計余率屬經理奔走泥塗日無寧晷日擊夫閭閻之一無蓋藏而鴻雁增悲中野方恧然以未能足民爲媿奚暇及志哉然而徐志之不可緩較甚於他郡者其故有三徐之爲直隸州也自勝國時已然轄蕭沛豐碭雍正十一年升州爲府附郭設銅山縣東割邳睢宿三州縣附益之而徐州一衛亦隸於府疆圉旣廣官制頓增昔之今之牧令八昔之司馬一別駕二今

至學博丞簿巡驛首領等官昔之數二十有六

數五十有四碁布星羅上下聯絡職掌攸關不加登別是備官而未之聞也淮北州縣向鮮文吏又離省遠簿

會救過不遑一切筆墨之役置之度外間有修葺亦多斷續考其年代州志修於康熙六十一年爲最近睢志修於五十二年豐志修於四十七年邳志修於二十三年宿志蕭志修於二十一年而沛碭則

朝未之舉行前明遺版字跡漶漫幾不可識且邳宿

向列淮志中自雍正二年改邳爲直隸轄宿睢旣爲淮志所不收而邳又無專志一切文卷委之波臣詢以近

徐州府志

序

四

年牧令并不能舉其姓氏爵里更數十年後不且蕩然一無所存乎徐之境南北三百里東西五百里黃河貫其中銅蕭碭睢介河之南豐沛邳宿介河之北而運河又介邳宿之間更有昭陽微山駱馬諸湖環列左右所關國計民生甚鉅且重是以險工林立丞倅佐雜半皆河員自春徂秋修防不輟河性變遷不常數年之內形勢頓殊有昔平而今險者有昔急而今緩者苟非條分而縷析之後之治河者將何所考焉夫當此灾祲頻仍之後竭蹶不遑而徐志又勢難再緩倘膜置而不加文獻無徵信從奚自則余罪滋甚於是延虞山侍

王公主其事相與考古証 疑存信寧嚴毋濫寧

毋華而於河防一篇三致意焉始於庚申之仲

辛酉之季冬閱兩歲乃告成成之 適余奉

量移蜀中將與徐之諸父老則乃喟然嘆曰徐古用 之

國也兵革戰鬪史不絕書

今天下治安已久文教聿興而山川險固形勢具在

衝宿爲水衝六省咽喉兩江 鑰詎非屹然重鎮

其俗好勇尚氣秀傑者多倜儻非常之士而黠鷲

亦慄悍而難馴非禮陶而樂淑之其何以進於道幸

敦儉樸不事華靡時和穀登不過三四年元氣可復

徐州府志

序

五

餘三餘九之風不難再觀然後教以廉讓澤以詩書

其秀傑而化其慄悍難馴之氣施禮樂於足民之後是

所望於後之守茲土者

乾隆七年仲春下

進士出身中憲大夫 徐州府事今陞四川按察

使分巡建昌道桐川石杰序

徐州府志凡例

一志書必先定其班部要在約而不漏該而不雜是編叅酌舊志定爲三十類其與舊志不同之故分見於各類前小序中

一他志多因茲志獨出於朮東分淮安之一州二縣合兩郡舊志參考有倍難於昔者徐州舊志凡三本一爲明嘉靖中副使王樅修一爲順治中兵備胡廷佐修一爲康熙六十一年知州姜焯修或詳或畧互有不合然相去未遠猶有據依獨新屬之一州二縣淮安宿遷府縣舊志修於康熙二十年

徐州府志

凡例

一

間書旣草率時代又遠邳州志修於康熙三十年遷治時缺畧更甚又因雍正八年水患舊案漂失多無可考睢寧志修於康熙五十七年稍有可徵又失之簡陋故志中缺畧處時有不能臆度也

一志書不外乎考古紀今二者考古務求其真凡建置山川古蹟非博考史傳證以水經注元和志寰宇記諸書則源委不悉而是非不明也紀今貴識其要凡田賦河渠水利關隘屯戍皆當今之要務非條分縷析具載始末則閱者不明而後來無徵也如徐州姜志更易舊志輒沾沾自詡然觀其中

於山川古蹟諸類記載紛紛而不知制諸類寥寥數語而不知紀今其餘冗雜更僕難數畧舉一二端以明今者舍舊更新之故非好爲譏訶前人也

一舊志城池類內詳列街坊外附都鄙一類蓋仍各縣志之體不知街坊隨時更易里巷俗名民間自建有何足紀都鄙則鄉村鎮集人煙湊聚或文武官弁分駐之所其重次於城池乃畧其事而爲附焉是不知輕重也今仿一統志通志之例城池內不載街坊而改都鄙爲鄉鎮與驛遞關梁聯類並

列

一今志分三十類與姜志名目或異而大段則同惟姜志內有帝王后妃一類今全刪去以一郡之志乘必欲援帝后以爲人物其僭妄無識乃三尺童子所知若謂生長之鄉不便不紀則豐沛故墟與當年經歷舊蹟已散見各類中何慮湮沒不彰至於朱梁篡奪事同莽操載之簡編更不可訓職官選舉二類舊志所有今仍其體益以後來其中又附諸類大小畢載未免太繁然是書所重不繫乎此識者當自知之

一名宦人物宋元以前皆以正史爲主此外亦必實有可據者自明以來登正史者寥寥無幾舊志所載大半空文若復依樣葫蘆徒爲浪費筆墨不得不就其低昂畧爲去取至於近來增入上據印冊採訪月旦固未暇也

一列女舊志所載

本朝節烈諸人已多於前代近復時頒旌典人數又倍於昔善善欲長幽光固不可沒而表彰有待成例亦所當遵今於舊志已載者詳畧或異姓氏仍存至增入之人惟載已經奉旌有案可稽者其餘

徐州府志

凡例

三

概俟將來實至名彰無患泯沒也

一近世志書瑕疵既不勝言而名宦人物列女諸類其弊尤在於徇情與存私不肖者固不足道但因相識請屬勉爲紀載問心遂無媿耶今一概謝絕至於前志已收州縣所送或有未可盡信者此非操筆者所能料矣

一凡修志必博考羣書方少舛誤篋中所攜正史外有水經注元和志寰宇記明一統志方輿記要禹貢錐指行水金鑑等書凡十餘種此間又得溫公通鑑與正史內所未帶者及雜書數帙而已其

中一二僻事尚有未經考者此外或有缺遺 未
可知要其大體差云已備

徐州府志

凡例

四

新修徐州府志姓氏

纂修

江西道監察御史

王峻

徐州府知府今陞四川建昌道

石杰

校正

府學教授

田實發

銅山縣學訓導

楊墀

叅訂

嘉興府學生員

張翼

杭州府仁和縣學生員

陳會英

徐州府志

姓氏

一

分校

舉人

丁泗吉

生員

汪廷璠

生員

韓樹猷

候選州同知

中澤泓

生員

楊浩

繕寫

生員

徐淵

生員

甯文煌

生員

李通濟

生員

李朝培

生員

張晉

繪圖

蘇州府長洲縣監生

許之發

督刊

本府 歷

武承運

徐州府志

姓氏

二

經管志局

典吏劉廷士
書辦陳啟新

徐州府志目錄

卷首

圖

卷之一

分野

疆域

建置沿革
附表

形勢

風俗

城池

徐州府志

目錄

一

卷之二

山川

卷之三

河防上

卷之四

河防下

卷之五

賦役

人丁屯田倉
務雜稅附

物產

卷之六

卷之七

兵制

鄉鎮

驛遞

關梁

卷之八

壇廟

附寺

古蹟

徐州府志

目錄

二

陵墓

卷之九

職官一

卷之十

職官二

卷之十一

職官三

卷之十二

職官四

卷之十三

職官五

卷之十四

選舉上

卷之十五

選舉下

世職應例武
功封蔭附

卷之十六

封建

名宦上

卷十七

名宦下

徐州府志

目錄

三

卷之十八

人物一

卷之十九

人物二

卷之二十

人物三

人物四

卷之二十一

人物五

人物六

流寓方技
仙釋附

卷之二十二

列女上

卷之二十三

列女下

卷之二十四

藝文一

卷之二十五

藝文二

卷之二十六

藝文三

徐州府志

目錄

四

卷之二十七

藝文四

卷之二十八

藝文五

卷之二十九

大事記

卷之三十

祥異

雜紀

徐州府志卷首

圖

周官大司徒職方氏所掌漢初蕭何入秦所收地圖之重古今所同近世郡縣志卷首莫不有圖然其所爲率皆疎舛不按犬牙之地形但就尺幅之方紙語形勢則不似考道里則不符使知者不信信者多誤不獨舊志爲然也今詳察地勢先定廣輪之形乃列山川城郭之位雖未必盡肖而可以得其大概舊志州縣圖外分繪雲龍山以下諸境今酌存其有名者增入黃河圖數幅使觀者瞭如

徐州府志

卷首


圖

一

指掌不更有益歟


八屬總圖








銅山縣圖




蕭

縣


圖








石碕
山
縣
圖



豐縣圖





沛

縣

圖









平邑


州

圖



宿遷縣圖







睢寧縣圖







徐州府城圖







徐州府署圖








徐州府學圖



雲龍書院圖





河圖

南連式河經
徐境隄防畜洩
所關鉅矣用載
全圖乙供洲覽

